



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословаччині:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сто-
роны 60 зл., $\frac{1}{4}$ сторони 35 зл.,
 $\frac{1}{8}$ стор. 20 зл., $\frac{1}{16}$ стор. 10 зл.;
оголошення малы за 1 мм. 20 гр.,
в тексті 30 гр., перед текстом
40 гр. При місячному и долшом
оголошеню значна знижка.

Конто чекове Нр. 404.155.



Христос Воскрес!

Радосну вість несут нам дзвони. Вість та розносить ся скоро, наповняє людські серця і доходить до найнедоступнішої закутини.

Христос воскрес! Христос воскрес! повторяють днеска все, старі і молоді, багаті і бідні, здорові і недужні.

По страстях і мученичеської смерті на кресті воскрес Спаситель світа і побідил смерть в цілої Божественної славі.

Місце Ёго страстей, місце мученичеської смерті на кресті, місце святішого Гроба були близькі Ёго Світлому Воскресенню. Так „подобало Христу пострадати, бити распятым, умерти на кресті і третього дня воскреснути“. Ёго страсти — то лем ворота до Ёго перемоги і слави. І чим тяжше муки задавано Христу, чим більше утіало с Нього життя, тим ближший був Спаситель нового, світлого, Божественного життя. По муках прийшло скоро світло воскресення!

В терпінню і ми близькі воскресенню. Мук і крестов переживаємо всі багато. Не був вільний від них Син Божий, не освободить від них Господь і с нас нікого. Під тими муками нераз ми угинаємося, тратимо віру в власні сили, охоту до дальшого життя. Але Всевишній не кладе на нікого тягару, перевишнього його сили, котрого ми б не могли перенести і чим кара Ёго єсть тяжша, тим допомож Божа близька.

Переходять скоро недуги, недостаток, душевні болі і прикрість від других, а на їх місце вертають сили, добробут, спокій і дру-

жба ближніх. По терпіннях близьке воскресення!, по смерті близька нова, світла життя!

Днеска, коли всі тишімо і радуємося світлим Христовим Воскресенням, не падаймо на духу і надіймося на Воскреслого Христа!

Он скоро воскрес із мертвих, Он і нас скоро вибавит. с наших бід і смутку!

Христос Воскрес!

Христос воскрес! Христос воскрес!

Голосить голос дзвонів.

Голосить серця і уста,

Вірних мільйонів!

Воскрес із мертвих! С гробу встав

Живий Спаситель світа!

Голосить радісно земля

В зелені вся одіта.

Воскрес! Он смертю смерть попрал.

Немає уже смерті сили!

Голосить сонце весняне

Променим теплим, милим.

Жити, спасення дарував!

Новина всім щаслива!

І нам Он щасливу долю дасть,

Воскреслий Господь слави! —

о. Вл. Величковський (Місіонар ч. 4).

Всім нашим Приятелям, Читателям і Препоручателям бажаємо щиро Веселих Свят Христового Воскресення.

Лемко — Союз
і Редакція Лемка.

Торговля і вироб образів

і інших предметів релігійного культу.

По отпустах і торгах купують люди образи святих, крестики, медаліки, молотвослови і інші предмети релігійного культу і ані їм до голови не прийде мисль, же тоті всі предмети єсть зроблені через жидів, а часто і через жидів продавані. Зрозуміла річ, же жиди, вирабляючи тоті предмети релігійного культу, або, як їх с латинського мови називають „девоціоналії“, не шанують тих предметів і наші святощі валяють ся часто під жидовськими лавками, або на жидовських смітниках, що ображають релігійні чувства кожного християнина.

Щоб покласти тому кінець, ухвалено закон, котрий говорить, що виробом і продажом предметів, зв'язаних с якимсь віроисповіданням можуть зайняти ся люди даної релігії, або товариства, в яких заряд складає ся с людей належачих до той релігії. В підприємствах, котрі вирабляють такі предмети, можуть робити лем такі люди, котрі належать до той релігії, для якої єсть призначені тоті предмети. Отже якщо в якомсь підприємстві вирабляють фелони, чаши, тетраподи і таке інше, то там не можуть робити ані поклонники сект, ані жиди, ані магометане, а лем самі християни. До таких предметів зачисляють ся всі предмети, яких уживають ся в святині так через духовних як і вірних при виконанню релігійних практик.

За порушення того закону грозить кара до 3-ох місяців арешту і до 3 тисяч злотих кар грошовою.

Вироблені уже в фабриках девоціоналії дозволено однак продавати ище через 2 роки також людям не належачим до той релігії, для якої єсть девоціоналії призначені.

Дозволено також дано тому, щоб дотеперешних фабрикантів не наразити на втрати і евентуальне банкрутство.

На той закон повинні звернути увагу в першій мірі наші кооперативи і склепарі. Вони повинні так, як і церковні комітети спроваджати всі товари релігійного культу лем

с Товариства „Ризниця“ в Самборі.

Єсть то наше старе Товариство, основане через священників і затруннює у себе вдови і сироти по священниках.

Товариство то має свій власний майток і дає повну гарантію, же доставлений товар єсть добрий і солідний.

Товариство виконує замовлення скоро і уділять церквам і кооперативам кредиту, котрий можна сплатити ратами.

Ціни низькі, товар добрий, обслуга ретельна — то клич, який поставив собі „Ризниця“ і тих ся тримає.

Прото той же при всіх потребах для церковей і домашнього релігійного ужитку належить ся звертати до

Т-ва „Ризниця“ в Самборі,

котра відкриває в найближшій часі свій відділ в Сяноці.

Нове правительство во Франції.

Правительство соціалістичне Блюма упало, не доставши повноважень в сенаті. Президент поручив утворити нове правительство предводителю радикалов Даляде, котрий був до тепер міністром оборони. Даляде утворив правительство з радикалов і центра, поминавши комуністів і соціалістів.

Тим самим упав оканчательно „Фронт

Ище им мало.

Сталинови ище мало жертв. Помимо, же тысячи розстріляно і вивішано, а сотні тисяч мучат ся в численних совітських тюрмах, „Красная Звезда“ поміщає ортыкул о ролі політичних комісарів в червоній армії. „Першим і головним обов'язком політичного комісара в виду партії і отчини — пише „Красная Звезда“ — єсть повна ліквідація шкідливої діяльності банди Тухачевського і Гамарника“.

„Красная Звезда“ закликає також до „чистки армії с елементів правих і троцькістів“ а також до цілковитого згноблення сторонників Тухачевського і Гамарника.

В зв'язі з тим „Красная Звезда“ доносить, же політичний комісар 17-ої дивізії кавалерії закавказької, Кувенев, виступав в обороні „врагов народу“ і приймав участь в антипартійному русленні. Газета зашмаряє йому, що в часі викладів поминав молчаном о вражій діяльності Троцького, Бухарина і Рыкова.

Газети подають також, же в останній часі попав в немилість марш. Буденний, котрого Сталин усунув со становища інспектора червоної армії. Ёго місце заняв ген. Тюленев. Кого знати, чи за пару неділей не засяде Буденний на лаві оскаржених за троцькізм або бухаринізм. Буденний має в войську мир, а Сталин того не любить, може ёго отже сплатити. В найближчих днях відбуватиметься процес б. комісара військового промисла Рукиновича і ёго заступника Муклевича, котрі сидять тепер в в'язниці на Лубяній. Оба вони єсть оскаржені о саботаж в фабриках військового промисла.

В Совітах дошло уже до того, же бракує людей на початкові становища. Свідчить о том факт, же отдає ся по два комісаріати під керівництво одного чоловіка. Видно, же Сталин має не дуже таких людей, котрим ище вірит. Але помимо того травля і гноблене єсть в повній силі і жертв єсть Сталинови все ище мало.

Як выпав плебісцит в Австрії

На день 10. т. м. назначено в цілій Австрії голосуванє, щоб населенє висказало ся само за прилученє Австрії до Німеччини.

Перед голосуванєм переведено велику пропаганду, котра дала очікувані результати. Праві 100 процент голосуючих висказало ся за прилученє Австрії до Німеччини. Австрія, як виказала неділя (10. квітня) оказала ся більше гитлеровська от самої Німеччини. На загальне число около 44½ мільйона управнених до голосуваня — понад 4 мільйони отдало свої голоси за Гитлером.

Была введена при голосуваню добра контроль. Каждый, кто принимал участь в голосуваню, доставал значок, же сполнив свой гражданский обов'язок. По домах ходили спеціальні контрольори, і кто не мал такого значка, тому припоминали о ёго обов'язках.

Жидам не вольно было голосовати.

Так то дня 10. квітня 1938. австрійське населенє само припечатало свой гроб, в котром похоронило незалежність Австрії.

Конец испанской войны.

Последна офенсива ген. Франко, почавши от 19. марта принесла в результаті опановане 89 місцевостей, в котрых жиє около 150 тысяч населения и обнимающих 20 тысяч квадратных километров терену.

В руках республиканских войск находит ся всего 1/5 часть Испании. Той малой территории грозит также поділ на 2 части с моментом коли повстанцы займут місто Тортозу над Средземным Морем. Барцельона, где тепер находит ся катальонское правительство и где находит ся головной центр фабрик военных материалов, губит ся тепер в темноті; бо повстанцы опановали водны запоры и электровні, даючи Барцельоні электричний ток. Недостаток электричной энергии спричинил, же фабрики станули и в місті запановала паника. Богатши втічут до Франции. Правительство зарядило загальну мобилизацию, але никто не голосит ся уж до войска. Втічут аж и охотники с Советов. Положене республиканцев стає ся отже безнадійне и того каже сподівати ся близкого конца домашней войны в Испании.

Венгрия укорочат права жидов.

Последны літа сут для жидов направду несчастны. Нигде их не хотят и всяди старают ся укоротити их права. Початок дала Німеччина, за нѣм пошли другы державы, як Румунія и инши, а тепер укорочат им права также Венгрия, котра под впливом німецкого сусідства ухвалила закон, ограничающий права жидов в Венгрии. На основі того права участь жидов в житію венгерского народа не може перевысшати 20 процент. За жидов уважат ся всіх жидовской религии, аж и тех, котры по 1. септя 1918 р. змінили свою религию. В 5-ох роках має перейти в нежидовскы руки 50 процент доходов с предприятий. Проект того закона выкликал серед венгров вдоволене.

Якы зела повинно ся мати в каждой хаті.

Продовжене.

Петрушка, знана в каждом господарстві ярина, о долгом веретеневом корені. Квітне в червні и липні, дозріват в серпні. Насіне зберат ся в серпні и вересні, а корені втотчас, як згрубнут достаточнo. Ділає мочогонно, розм'ягчаючо и зменьшат боли. Дає ся при хворотах жолудка, вздутях, терпіню мочовых дорог, каменях міхура и водной пухлині, яко отвар с кореня, або цілого зела, а также додає ся ей до мішанки против дыхавиці.

Свіжу потолчену петрушку прикладат ся при укушенію овадов, яко средство поменьшаюче боли.

Вывар с ягод яловца, лопушка, татарак и петрушки потый по 4 горнятка денно чистит отдыховы дороги и тому радит ся его пити людям дыхавичным.

Береза: Вывар с молодых листков ест добрым ліком при водной пухлині, повсталой по запаленію почек. Помагат также при хворотах почек, міхура и ревматизму (гостци). Если в зимі нит березового листя, можна взяти молоды галузкы с гонами, або ище лучше, самы гоны и выварити на чай. Пе ся с медом.

Березовый сок, який достає ся с надрубаного дерева на яр, ест знаменитым средством мочогонным, котре чистит кров. Пе ся 2 шклянкы денно, рано перед ідлом. Курує пырщи и камені міхура и почек.

Гозик: (габзина) ест то кряк дорастающий 7—8 метров высоты. Лубок старых галузей темнострый и потрісканный, покрытый боро-

Угода англицко-италиянска.

Переговоры англицко-италиянскы посту-пают и належит сподівати ся скоро подписания угоды меже тыма обома державами. Угода то-та причинит ся в великой мірі до ослабленія „оси Берлин — Рим“, бо Муссолини мусит ся тепер числити с Англиом при меженародных выступлєнях, запроєктowanych через Гитлера. Италия охотно годит ся с Англиом, бо и ей также загражат Німеччина по прилученію Австрии. Англия также радо подпише угоду, бо втотчас може больше увагы посвятити спра-вам далекого всходу.

Неудачи японской армии.

До недавна была Японія кытайцов як лем сама хотіла. Але от якогоси часу счастье ся переменило и тепер кытайскы войска отно-сят ряд рішительных побід над армиом япон-ском. Японскы войска поносят великы втраты и мусят ся цофати. Не маот и не могут собра-ти тилько войсковых сил, штобы сильно обса-дити опанованы величезны пространства, а кытайске населєне, котре в початках притих-ло, тепер организує ся в невеликы группы, ко-тры нападают на японскы отділы, непокоят их знями и ночами и уничтожают.

Также кытайска армия, котрой число уве-личат ся с каждым днем, иде побідоносно и отберат японцам одну місцевость за другом, наносячи японским войскам сильны убыткы.

Японія, котра думала, же своим першим розмахом завоює Кытай и настрашит его, а тым самым и нашмарит ему свою волю, видит тепер, же легче было страшити, як побідити тот великий край. Днеска Японія згодила бы ся выйти с той авантуры с честью. Она зверну-ла ся уж до Англии о посередництво и став-лят значно легчи условия, як на початку вой-ны.

Але Чанг-Кай-Шек заявил, же Кытай буде ся бити, аж покаль последний японец не опу-стит землі кытайской.

В субботу днз 7. мая т. р. отбуде ся в салі На-родного Дома в СЯНОЦІ

С'їзд Мужей довіря Лемко-Союза.

Початок о год. 10. рано. В виду важных справ, якы будут обсуждати ся на сїзді, просит о чи-слєнне прибыте

Правлене.

В справах школьных Лемковщины.

Согласно с ухвалами, принятыма на со-браниях в Горлицах и в Крыниці, выїхала дня 12. квітня т. р. делегация под проводом д-ра Гнатышака до Кракова и Варшавы в справах школьных Лемковщины.

Делегация устно и во врученых мемория-лах, покликуючи ся на тысячи подписов лем-ковского населєния на пересланных передом просьбах, домогала ся переміны системы и привєрнення, ограниченных остатньыма заря-дженнями, прав руского языка в народных школах.

Делегация вручила мемориялы: гну Вое-воді, г-ну Кураторови в Кракові, а также в Презыдии Рады Министров, в Министерстві Просвіты и у других рішающих чинников в Варшаві.

Делегация, принята жичливо, вынесла пе-ресвідченє, же власти розсмотряли прихиль-но просьбу народных мас Лемковщины.

Конец податковых льгот.

С днем 31. марта 1938 выгасли всі подат-ковы льготы, признаны зарядженем мини-стерства скарбу с дня 15. квітня 1935 р. для податковых залеглостей. От 1. квітня подат-ковы уряды стягают залеглости всім селянам, кромі тех, котры в р. 1937. потерпіли от сты-хийных несчастъ, и то лем в тех случаях, ко-ли нанесены им шкоды были усталены што наименьше на 15 процент через скарбовы уря-ды.

Тым последным признає ся льготы до 31. грудня 1938 р.

Пожичкы на родинны сплаты.

В виду численных запытанъ в справі о-держания пожичок на сплаты родинны, пода-єме, же Державный Банк Рольный вздержал на якийси час выплату пожичок на родинны сплаты. Причином перестаня давати пожич-кы на сплаты родинны ест вычерпанє ся ка-питалов Perezначєных на тоту ціль.

Державный Банк Рольный не принимает аж до откликания поданъ о того рода пожич-кы. Рольны организации поробили однак ста-раня о новы кредиты на пожичкы на сплаты родинны и если правительство вдоволит их жадаия, то за недолгий час буде можна знова вносити поданя о уділенє того рода пожичок, в противном разі справа уділяия пожичок на родинны сплаты отвлєче ся аж до слідующого року.

Министерство Рольництва и Реформ Рольных Perezначило в том році на пожичкы на сплаты рединны суму 10 миллионов злотых.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

Што чути в світі і в краю

Тайна радио - розголосня в Совітах. В Совітах ктоси урядил собі тайну радио-стацию, котра надає авдыции против Сталинови і существуочому порядковы, доносячи о скором освободженю народа. Початково бесіды надавано лем о полночи, а тепер надають их также и о шестой годині вечером. Авдыции надає якаси женщина, котрой старають ся перошкодити другы радио-стации. Г. П. У. не може выкрити той розголосні. Додумують ся, же радио-стация находить ся на Білоруси.

Крадеж в церкви в Югославии. В Быстриці в Югославии находить ся в церкви чудотворна икона Матери Божой. Икона мала золоту корону, высаджану дорогыма каменями. Недавно незнаны бандыты достали ся в ночи до церкви и украли корону вартости около 1 миллион дынаров. Полиция не впала на слід злодіев.

Пожар поїзду. Коло Барцельоны в Испании розбил ся пасажерський поїзд, котрый ударил на цистерну, наповнену нафтом. Нафта заняла ся и пожар обнял праві всі вагони. В поломени нашло смерть 23 люда.

Катастрофа в копальні угля. В копальні угля „Ванда-Лех“ на Шлеску от незнаных причин затрясли ся сильно дня 31. марта 2 фляры и с повалы оторвали ся велики масы угля, котри засыпали робячих там горников. Двох горников убило, а 5-ох ест тяжко раненых.

Ціна пива причином звады и биткы. Гриц Ничкало с Верблян пов. яворовского и Николай Вареница сидили в корчмі при пиві и зачали припоминати собі давны довоенны часы. Бесіда перешла на ціны товаров и на ціны найважнійшого для них продукта — пива. Один с них твердил, же бомба пива коштувала перед войном 4 „грейцары“, а другий, же 8. Оба уперали ся при своем и уживали чим раз сильнійших аргументов. Пришло до звады, а коли и тот аргумент не мог переконати, Гриц Ничкало ужил сильнійшого, бо выпрал свого компаня по лицю. Вареница твердил погодивше, же достал и козярков и отдал справу до суду. Суд вправді не выяснил, яка была ціна пива перед войном, але за то засудил Грица на кару.

Будуют новый мост на Ниягарі. Меже Злучен“ма Державами Америки Полночной и Канадом плыве велика ріка Ниягара. На ріці той ест в одном місци найбільший на світі спад воды. Коло того водоспаду ростягал ся над ріком великий мост, побудованый перед 40 роками коштом двух миллионів долларов. Мост тот в том році розвалили кригы леду. Кригы леду были так велики и плыли с таким силом, же кромі мосту знищили они также водну електровню, котра давала енергию електрычну многим містам, положеным коло рікы.

Онтерио и Нью-Йорський штейт плянуют тепер будову двух мостов на місце розваленного. Один с них мае быти перезначеный для желізниці. Выроблено уж плян одного мосту, котрый мае коштувати 7 миллионів долларов.

Религийне жите в Совітах. Помимо переслідованя ролигии в Совітах, населене чим раз частійше выказуе свою религийность. „Комсомольска Правда“ с 1. марта подає, што в окрестности Смоленска священник окрестил одного дня 18 дітей в віці от 1 до 15 літ за

згодом родичей. В часі крещеня отчитал уступы в евангелия, якы зробили на присутных сильне вражене. Газета подає, што священники маюť в Совітах великы впливы по селах. Где люде не могут явно выявляти свою віру, там крыють ся с тым. Трафят ся и таке, же члены безбожников, якы маюť ширити безбожничество и осмішати религию, сами сут віруючима и религийныма.

В місті Орджоникидзе (б. Владыкавказ) председатель краевого союза безбожников Арифудин зберал сам тайно складкы на ремонт церкви, штобы таким способом не допустити до ей закрытя.

Не помагають отже ниякы переслідованя, бо силы Божой не побідят ничтожны силы злобы людской.

Зараза слинавки ширит ся. Министерство Рольництва подає, што зараза слинавки ширит ся и обнимат чимраз ширши терены. Загалом зареєстровано в марті 257 случаев слинавки. С того в воеводстві лелецком — 1, в краковском — 1, лодзком — 18, поморском — 1, познанском — 48, шлеском — 17 и варшавском — 1. В 97 загородах заразу зликвидовано, а сама переминала в 19-ох. Доносят, же зараза дошла уж до ланцуцкого повіта. Зараза африканской слинавки достала ся до Польщи с Німеччины, откаль принес заразкы той хвороты пастух на баганчах и одежи. С того видно, як скоро переносит ся тотя страшна хворота. Треба отже уважати тепер на худобу и свои стайні и не впускати до них чужой худобы, ани чужих людеи.

Заразкы слинавки могут жити на обуви 40 дней.

В случаях появления ся хвороты належит повідомити о том безотложно солтыса, войта або постерунок полиции.

Землетрясене в Италии. Дня 13. т. м. отчучо в цілої Италии сильны подземны трясеня. Дотепер не стверджено нияких втрат материяльных ани жертв в людях. Трясеня занотовали сейсмографы в цілом краю. По мніню знатоков центром землетрясеня ест море.

Міста Турции под водом. Наводнене, повстале от розлятя ся рік, наробило в Турции много шкоды в цілої Турции. Коло місцевости Анасыя вода позривала мосты и затопила много худобы.

Ріка Акшекир и поблизкы села.

Ріка Кафик перервала тамы и затопила місто Сивас, а также села Геве и Гиздина.

Шпьяонска афера в Швеции. В Штокгольмі арештовано 2-ох молодых работников в металургичной фабрыці Тагерста за того, же мали они здрадити одной с сусідных держав тайну, як робит ся стоп металлу секо. За выявлене той тайны достали они 800—900 корон шведских.

Мудре заряджене. Румунске министерство просвіти выдало заряджене, забороняюче учителькам народных и середных школ мальовати ся, курити и ходити в таких суконках, якы могут выкликати згоршене у молодежи. Кромі того министерство заборонило школьной молодежи до 16-го року житя ходити до кина и возанку по леді в роботячи дні. Молодеж може ходити возити ся на леді и до кина лем в неділі и свята и то лем все в товаристві родичей.

На Дунайці будуют другу водну запору. В том році маюť зачати будову другой водной запоры на ріці Дунайці. Запора тотя повстане 10 км. ниже запоры в Рожнові, в селі Чхові. Кошт работ вступных хст обчислений на 5 миллионів злотых.

Продам книжку „ПАЛОМНИЦТВО ДО СЯТОИ ЗЕМЛІ”

Галушак Андрей

Прислоп

п. Усте Руске, пов Горлицы

Испытованный дьяк и диригент

церковного и світского хору,
добрий тенор

прииме посаду от зараз.

Зголошеня приимат Редакция
„Лемка“ — Крыница 2.

Куплю

„РУСКЕ ПАЛОМНИЧЕСТВО”

составлене Алексием Булка со Скварявы
выдане в Коломби в р. 1906.

Писати до Админ. „ЛЕМКА”, Крыница 2.

Продам фотографичный аппарат

и научу скоро фотографовати.

Писати: Андрей Галушак

Прислоп

почта Усте Руске.

Комунальна Каса Ощадности Повіта Краковского в Кракові

Рок основаня 1882.

ЦЕНТРАЛЯ КРАКОВ, УЛ. ПИЯРСКА 1.

тел. 115-97, 131-73, 101-03.

О т д і л е н я : К Р Ы Н И Ц А, тел. 112.

В Е Л И Ч К А, тел. 6.

Всі порученя входячи в область банковости.

ПОРУЧЕНЯ ДЕВИЗОВЫ
ПОРУЧЕНЯ БИРЖОВЫ
СХОВОК АВТОМАТ.

СУМА ВКЛАДОВ ПОНАД 35.000.000 ЗЛ.
МАЄТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.